

TENDAA NENSAABA ZAA YELESOOBO SOBIE MOJLOO

A YELE YUOBO

A yeli nang bebe la, ka nee zaa bang ka nengsaala emmo ane o yelsoore seng la taa a nengsaala booro poɔ; a nengsaala mengesoobo ane o yelmengɛ noba zie la binne eng-maarong ane yelmenne noba zie a tengazu.

Ka nengsaala kaa-ba-nye e ka tongfaare tong ka noba banang nang taa teerong veele nye posããna. A yele ama ee la ka nengsaala zaa nang booro bone ne ka ka bie tenga benee nengsaaba zaa nang so ba menne a yele yele zaa ba nang booro, a puoro puoru zaa ba nang booro, a ta zoro bebiri kang nang.

Ka a da sengɛ la ka anang ba fere nee kao e yeli nang fere o, a kũũ ne o baao poɔ ka o faa o mengɛ doɔrong poɔ, ka ka a yelmenne toretero la guuro a tendaa zaa noba yelsoobo sobie.

Ka a da sengɛ la ka to-ne-to nommo yele a tendaa za.

Ka a noba nang be a Tendaa Langne poɔ lee maaleng nyogɛɛ ba yeldeebo a a yelmanne binne nga nang guuro a tendaa zaa yelsoobo sobie poɔ, ka doɔ ane poɔge nang ba gang taa song ka nengsaala maaloo ane o mengesoobo yele gere ninge a tenga zu.

A tenne na zaa nang be a Tendaa Langne nga poɔ eng la noore ka bana ane a Tendaa Langne na nye a tendaa zaa nongtaa, a engɛ a Tendaa zaa yelsoobo ane mengesoobo sobie.

Ka ka nee zaa bang ka a yelsoobo sobie ama ane a nensaala mengɛ soobo la yelkpong nang be a noore nga emmo poɔ.

Pampanga a Le Zueng,

A TENDAA LANGNE NOBA LANG TAA

moɔlo la:

ka a TENDAA ZA YELESOOBO SOBIE waa la bone noba zaa ane tenne zaa nang na moɔ~nimiri k'a nye eebo. A lezueng nee zaa, bee nengsaaba langne zaa na taa la a yele ama teerong tegtegle a ere anee ba wuloo poɔ ane ba zanno poɔ a e k'a yelsoobo sobie ane a noba mensesoobo yele duoro saa kye ere beele beele tenga zaa poɔ a na e k'a tendaa zaa bang kye tuuro a yele ama. Tenne na zaa nang be a lammo nga ane noba na zaa nang kpeere a tenne na poɔ, a lang ne a noba banang zaa nang be tenne na zaa ba nang di naalong a zu.

Dore 1

Nengsaala zaa ba nang doɔge so la o menga, ka o ne o taaba zaa sengtaa noba emmo ane yelsoobo sobie poɔ. Ba doɔge ba zaa ne yeng ane yele-iruu k'a da seng ka ba ere yele koro taa a nga yoomine.

Dore 2

Neezaa soobo la a Tendaa zaa yelsoobo sobie ama nang be a gane poɔ; a ba wullo ka nee nga waa ngaa ne ngaa; a nga balong, bee o engɛ waalong, k'o waa la poɔge bee doɔ, o kɔkɔyelaa, puoru na o nang puoro, o teerong nang are le a tenga maalo yele poɔ, o tengyiraa ane o aroozie a tenga poɔ, boma o nang taa, o doɔgebo zie bee o arezie.

A la waana le puoreng, gyegru kyebe ane nee teerong nang wuli o ka o tuuro a tenga maalo yele le, bee bone na naalong ba nang dire a tenga na poɔ a nee na nang yi, ka a tenga na so la o mengɛ bee ka o be la tenga kang nuureng, bee ka o nang ba so o mengɛ, be ka yele mine bebe la a poɔro o mengesoobo sobiri.

Dore 3

Neezaa taa la sori ka o taa nyovore, ka bone zaa ta ngmaara o sobiri o yellerre poɔ, ka tuo ta be o zie.

Dore 4

Neezaa ba taa sori a taa o tosoaba ka o waa o gbangbaa bee ka o tonɔ gbangba-toma. A fereɛ la kaa gbangbaalong ane nengsaaba koro ta bebe togtog yelizaa poɔ.

Dore 5

Neezaa ba seng ne engɛ doɔrong nang gang, bee potuyele, bee doɔrong zaa nang ba seng ne nengsaala.

Dore 6

Ka neeng be zie zaa a ferεε la ka a tenga na deme de o k'o waa nengsaala a ɔɔ poɔ.

Dore 7

ɔɔ ninge poɔ noba zaang sengtaa k'a fere ka a ɔɔ kaara ba zaa zu ka gyegru kyebe. A yeɛ ama moɔloo poɔ kyiirung la ka gyegru bebe nee zaa zie, bee ka nee dore ka ba gyegri nee.

Dore 8

Ka nee zaang taa yeli a gaane a serεε diibo zie, a ferεε la ka a tenga na seredirebe a di a serεε velaa ka a yelmengε gaa a nee na deme nang kpe zie a seng le a tenga ɔɔ nang manne bing.

Dore 9

Neezaa ba seng ne ka ba dee bone nyogoo gaa te page kye ba di a serεε, bee ka ba diguu bare ka o yi gaa teng-yuo a te kpeεε.

Dore 10

Neezaa nang sãã yeli, a ferεε la ka a tenga na seredirebe di o serεε neng-yaga poɔ ka nonne boore kyebe a serεε nga ba nang dire a na nye bone na yeli o nang sãã poɔ.

Dore 11

Neezaa ba nang nyoge yeli kang poɔ a na di o serεε ko na poɔge nye doɔrong a poɔ, a ferεε la ka a seredirebe de ka o ba sãã yeli, a ta le sang ba nang di o serεε yeng poɔ a te nye bang ka o sãã la yeli. A o serεε diibo na meng poɔ a ferεε la ka ba k'o sori ka o bo bone na zaa nang na toɔsong o ka o yeli faa o mengε.

Ba kong toɔnyoge nee zaa nang sãã yeli nang taa doɔrong; yeli o nang e, bee o nang nage o vuo na poɔ, a yeli na o nang e, bee o nang nage nang da ba waa yelsããna nang boɔro doɔrong a le sang onang da e a yeli bale, bee ka ba ko o doɔrong nang waa tuo gang a doɔrong na nang da bebe ka ba da ko o a le sang o nang sãã a yeli bala.

Dore 12

Neezaa ba taa sori a bonno kpeεε o to yeɛ poɔ, bee o die yeɛ poɔ, bee o yiri yeɛ, bee o gama yeɛ, bee ka o sãã o to yosong ane o eveεle. A ferεε la ka a ɔɔ guuro nee zaa a doɔne ama taaba poɔ.

Dore 13

Neezaa taa sori ka o yooɔro gere benee zaa o nang boɔro, bee ka o kpeεε benee zaa o nang boɔro a tenga toribogri poɔ.

Neezaa taa sori ka o yi tenga kang zaa poɔ, bee o mengε tenga poɔ a kye lee wa a o tenga poɔ.

Dore 14

Neezaa taa sori ka o yi tenga na poɔ ba nang boɔro o doɔgroo, bee o koobo a gaa tenne mine a na te nye popeɔlong.

A sobiri nga kyebe nee nang sãã yeli yelmengε ka ba boɔro o ka ba di o serεε ka a yeɛ na o nang sãã ba e votu yeɛ bee yeɛ nang ba tu a Tendaa Langkpong yeɛ sobie ba nang manne bing le.

Dore 15

Neezaa taa sori a na waa enga kang paalong nee.

Neezaa ba taa sori a na yeli ka neekang ta be o tenga poɔ, bee ka o ta yi o tenga a gaa te kpeεε teng-yuo.

Dore 16

Neezaa nang ta doɔ, bee poɔge, bale zaa poɔ, tenga zaa poɔ, puoru zaa poɔ, taa sori a na de poɔge, bee kuli sere a doɔro bibiiri. Ba zaang na sengtaa a ba kultaa yeɛ poɔ a ta le sang ba kultaa nang baare.

Neezaa ba taa sori a fere noba ka ba kultaa; banang nang kulo taa yong na pele poore a sage ka ba kultaa.

Doɔ ane o poɔge ane o bibiiri waa seng bombiri a tenga noba zie ka a fere ka a tenga noba ane a tenga nembere kaara ba zu.

Dore 17

Neezaa taa sori a na so boma o yong, bee ka o ne noba mine lang so boma.

Neezaa taa sori faa nee boma o nang so.

Dore 18

Neezaa taa a sori na teere yele a seng o nang booro le, a tuuro o yeng wuluu, a puoro puoru na zaa o nang booro; o la taa la a sori meng a na leere o puoru ane o teerong; o na too~e la le o yong, bee a lang ne noba yeng po, bee o yong zie. O la taa sori meng a na e ka o puoru yele saa noba zie. O taa sori na wullo noba a o puoru yele. O taa sori tuuro a o puoru nga sobie zaa a seng le o nang booro.

Dore 19

Neezaa taa sori ka o teere ka yeli kang waa ngaa bee o ba waa. O taa sori meng na yeli a yeli na yele. O la taa la a sori meng ka o teere ka yele mine waa ngaa, kye ka nee zaa ta fere o a o teerong na po. O taa sori meng ka o bo a kye nye yelpaaba nang yire zie zaa waana, ka a gangnee toribogri bee ka a ba gangna o taa la a sori.

Dore 20

Neezaa taa la a sori ka o po noba nang langtaa ane teerong velaa. O la taa la sori ka o kpe langne zaa.

Nee kontoo~fere neezaa ka o kpe langne kang po.

Dore 21

Neezaa taa sori k'o po a tenga gobenente yele po o minge bee ka o po iri noba ka ba lee o zu.

Neezaa taa sori ka a tenga po bone na zaa nang bebe ka ba de sonno ne a noba ba yeli zaa po k'a tara o meng.

A gobenente fang a tenga po na yi la tenga noba booro zie. A sobiri na a noba nang na mang tu ka ama nye eebo la ka ba manne bing ka ka vuo kang po k'a noba mang taa neng-iri ka finnuu kyebe a neng-iri nga po; k'a banang zaa nang ta noba a taa sori na iri a noba nang na lee ba zu a tenga gobenente po. A neng-iri sang nee zaa ba taa sori na nye o tosoba nang booro k'o iri nee na.

Dore 22

Neezaa waa la a tenga zu noba nee. A feree la ka o tenga kaara o zu; o la taa la sori meng ka o nyere a o tenga tonka ka a song o ka o nyere emmo a seng nengsaala; ka o enge ane o yeng yele meng kyene velaa.

Dore 23

Neezaa ta sori ka o taa toma tonka. O taa sori meng ka o iri toma na o dang booro. Sori bebe meng la, ka ka o toma zie ane o toma zie yele veele. Sori bebe meng la ka o taa toma tonka a ta yoro wee le.

Neezaa, ka gyegru kyebe taa sori ka o nyere san-yoo a seng banang zaa meng nang tonka a tong-bale.

Neezaa nang tonka toma taa sori a naa nyere a yore ka a seng o ne o po ane o bibiiri; ka a seng ba ka ba na too~nye bone na zaa a nang fere nengsaala ka o taa waa nengsaala.

Neezaa taa sori ka o piili tontonema langne. O la taa l'a sori ka o kpe tontonema langne nang na song ka o guuro o toma.

Dore 24

Neezaa taa sori ka o nye penno kye ka o pennoo sang ka o taa sori a ere le o po nang pelle. O la taa sori ka ka o ta tong toma a te gang gammo kang. O taa sori meng na nyere pennoo bebie a o toma zie kye nang nyere san-yoo a pennoo bebie na po.

Dore 25

A feree la k'a tenga nye ka benee doo ane o po ane o bibiiri nang kpeere seng ne ba eng-maarong nang booro le, ka ba nyere bondiri ane bonsuuri, ka ba kpeebo zie ane ba laafee yele veele. Ba taa l'a sori meng ka sang kang wa ta ka ba ba la taa san-yoo toma, bee ka ba beere,

bee ka yeli kang e ka o kong la toɔ̃tong toma bee ka o sere, bee ka poɔge kpi kye kyere o yong, bee ka o kore zuo a kong la toɔ̃tong toma, bee ka yeli kang e ka o dee kong la toɔ̃bo bondiraa o mengɛ, a fereɛ la ka a tenga na o nang be kaara o zu.

Bimamine ane bibiiri nang nang baara, a sengeɛ la ka ba kaara ba zu kye sonno ba. Bibiiri zaa, ka ba ma ne ba saa de la taa kye doɔge ba bee ka baba de taa kye doɔge ba meng na nyere la a sommo nga bale.

Dore 26

Neezaa taa sori ka o bang gane. A gane zanno piilu sang a da seng ka yooɔre kyebe. A fereɛ la ka neezaa zanne gane belaa a ta taabo kang. A da ba seng ka neezaa wong tuo kye nye nuuri-toma zanno, bee gama-toma zanno. A da sengeɛ la ka banang nang na toɔ̃meng ta wong tuo kye nye zanno nang do yaga.

A da sengeɛ la ka gane zanno kyaara nensaala mengɛmaalo yeɛ a kye sonno nensaala mengesoobo sobie yeɛ a kye sonno yelwongtaa ane kanyiri di-ko-taa, a e ka tenne ane bale la bale zaa ane puoru deme zaa nyooɔge taa baalong a kye e ka a Tendaa Langkpong yeɛ kyene ka maarong be a tenga zu.

Saamine ane mamine taa a sori a na de weɛ̃dang iri benee ba nang boɔɔɔ ka ba bibiiri gaa zanne gane.

Dore 27

Neezaa taa sori ka o poɔ a tenga tengkoɔ̃yeɛ poɔ a meng wong a noba nuuri-toma noɔ̃, kye nyere toɔɔ nensaala yeng nang song o ka o maale, bee ka o e ka bone na zaa waana ne noɔ̃bee toɔɔ.

Neezaa nang de o nuuri, bee o zu a tong ne toma ka a yire toɔɔ mine, a fereɛ la ka a tenga ta veng ka neezaa finne o a toma na poɔ.

Dore 28

A da sengeɛ la ka a yeɛ ama ba nang manne bing a kye a nye eebo, ka benee zaa tenga zu kye neɛ nang kpeere na toɔ̃so o mengɛ kye kpeere ne popeɛlong.

Dore 29

Neezaa taa la fero toma o taaba zie benee o nang kpeere. A leng na song ka o mengɛ nye maalo.

Neezaa nang so o mengɛ, a wonno o mengesoobo noɔ̃, yeli zaa ba kyebe a na pigi a o mengesoobo nga sori see ka tenga nang manne bing le naane, a loɔ na meng na waa la loɔ nang na veng ka nensaala nye emmo kye so o mengɛ, a sonno ka nensaaba ere eveɛɛ, a e ka marong be noba nang lang kpeere zie kye ere ka noba zaa kpeere velaa ba tenga poɔ, ka ba meng taa noɔre a ba tenga maalo yeɛ poɔ.

Neezaa ba taa sori a e yeli nang ba toro a Tendaa zaa Lammo nang manne a nengsaaba meneesoobo sobie bing le.

Dore 30

Tenga zaa bee langne zaa bee neng-yeni zaa ba taa sori a willi a yeɛ ama ba nang manne bing a kye; ka a waa seng nga a yeɛ nga ko ba la sobiri ka ba tong tone zaa bee yeli zaa nang waana ne nensaala mengasoobo ane o yelisoore noɔ̃wommo ba nang manne bing a kye saãbaro.